

XIX Դ. ՎԵՐՋԻ ՀԱՅ ՔԱՂԱՔԱԿԱՆ-ՀԱՍԱՐԱԿԱԿԱՆ ՄԱՄՈՒԼ

Խ. Հ. ԲԱՐՍԵՂՅԱՆ

Հայ հասարակական-քաղաքական միտքը և մասնավորապես մամուլը XIX դ. վերջին հետեւում էին ոչ միայն եվրոպական, այլև ողջ աշխարհի առաջավոր գաղափարներին ու ավանդույթներին։ Ռուս հեղափոխական և չի-րերայ նարոդնիկության ազդեցությամբ 1880-ական թվականներին Մոսկվա-յում և կայսրության այլ քաղաքներում ձևավորվում ու գործում են հայ ուսա-նող երիտասարդության ընդհատակյա խմբակներ ու միություններ։ Հայտնի են նաև ողջ նարոդնիկական խմբակների ակտիվ մասնակիցներ Եկատերի-նա, Թումանովան, նրա քույրը՝ Հռիփսիմե Թումանովան, Ստեփան Ղուրդաշ-յանը, Դավիթ Այվազյանը, Օլգա Սաֆարյանը, Կոնստանդին Մամիկոնյանը, Մելքոն Մուրադյանը, Ալեքսանդր Փիրումյանը, Արշակ Սաֆարյանը, Գրիգոր Արազյանը, Հովհաննես Մանուկյանը և ուրիշներ։ 1881 թ. Մոսկվայում ձե-վավորվել և գործում էր հայ ուսանողների ընդհատակյա մի խմբակ՝ «Հայրե-նասերների միությունը»։ Նարոդնիկական գաղափարների խոր ազդեցությու-նը կրող հիշյալ խմբակի մեջ էին ներսեւ Աբելյանը, Թամարա Ադամյանը, Դա-վիթ Ներսիսյանը, Միքայել Զալյանը, Սիմոն և Սրապիոն Տեր-Գրիգորյանները և ուրիշներ։ Միությունը ստեղծեց ընդհատակյա փոքրիկ տպարան և 1884 թ. սկսեց հրատարակել «Ազատության ավետարներ» թերթը։ Խմբագրական կազ-մում էին ներսեւ Աբելյանը, Աբրահամ Դաստակյանը և Դավիթ Ներսիսյանը։ Հրատարակվել է մի քանի համար, յուրաքանչյուրը՝ ութ էջ ծավալով։ Դա-դարել է կառավարության հետապնդումների պատճառով։ «Հայրենասերների միությունը», «Ազատության ավետարները» և թերթի հրատարակած կոչերն ու թուղթիկները իրենց գլխավոր խնդիրն էին համարում հեղափոխական պայ-քարի միջոցով Հայաստանի ազատության և անկախության նվաճումը։ «Հայ-րենասերների միության» պատգամներից մեկն էլ ազգերի համերաշխությունն է, — ասված է «Ազատության ավետարներում», — ուստի մենք քարոզում ենք սերտ համերաշխություն Հայաստանում բնակվող ազգերի մեջ... Մենք հա-վասարաչափ հարգում ենք յուրաքանչյուր ազգի լեզուն, կրոնը և անկախու-թյունը, եթե միայն նա չի ձգտում հարստահարել ուրիշներին, արգելք չի դառնում ուրիշների կանոնավոր զարգացման... ուստի «Հ. Մ.»-ն լաշխա-տելու է, որ երկիրը, հողը իր բնական հարստություններով և աշխատանքի գործիքները դառնան աշխատավորների, բանվորների սեփականությունը։ Եթե Հայաստանի աշխատող, արդյունաբերող ուժերը՝ երկրագործը, արհես-տավորը, մշակը տնտեսապես հարստահարվելու են, «Հ.Մ.»-ի աչքում ոչ մի քաղաքական ազատություն, միտք նշանակություն չունի։ «Հ.Մ.»-նը ատելի են թե՛ քուրդ ասպատակող շեյխը, թե՛ թուրք ճնշող պաշտոնյան, և թե՛ հայ հարստահարողները։ Մենք թշնամի ենք ներկա անձնական բաժան-բաժան կազմակերպության, որտեղ տկարն անօգնական է, իսկ ուժեղը՝ հարստա-հարող ու անգութ։ Մենք քարոզում ենք ընկերական միաբանություն, որտեղ ընդհանուրը հոգում է յուրաքանչյուրի համար, իսկ յուրաքանչյուրը՝ ընդհա-նուրի համար։ Ահա թե ինչու բոլոր մասնավոր կալվածատերերի և պետու-թյան ձեռքի հողերը պետք է անցնեն համայնքների ձեռքը, համայնքը միակ սեփականատերն է, միակ սպառողն է, որովհետև նա միակ աշխատող առ-դյունաբերողն է։ Միևնույն ժամանակ համայնքները ներկայացնում են այն

սկզբնական քաղաքական տարրերը, որոնցից պետք է կազմվի ընդհանուր քաղաքական դաշնակցությունը, ֆեդերացիան»¹:

Գյուղական համայնքի վերաբերյալ ռուս նարոդնիկների ծրագրերից ընդօրինակած այս և այլ գաղափարները հայ իրականության մեջ նոր, ազատաբաղձ դողանքներ էին: «Ազատության ավետարներն» մտահոգում էր և ազգային հարցը՝ Հայկական խնդրի լուծումը: 1883-ին հրատարակած իր կոչերից մեկում, որը սկսվում էր «Պիտի գոռամ, պիտի կրկնեմ՝ անդադար ազատություն» հայտնի բնաբանով և տարածվել է Երևանում, Թիֆլիսում, Բաքվում, Արցախում և այլուր, այդ միտքը ավելի ցայտուն է արտահայտված:

«Ազատության ավետարներ» էջերում մերկացվում էր թուրքական կառավարող շրջանների հայահալած քաղաքականությունը, հայ ժողովրդին կոչ էր արվում տապալել սուլթանական դատան տիրապետությունը, «ապրել ազատասեր ժողովրդին վայել ինքնուրույն կյանքով»²: «Մենք ցանկանում ենք Հայաստանի ժողովրդին ազատված տեսնել բարբարոսների լծից, — ասված է «Հայե՛ր» վերտառությամբ թուրքիկում, — ...Հայաստանի ժողովրդը իրավունքներ ձեռք բերելու և բարբարոսների լծից ազատվելու համար ունի միայն մի միջոց, այն է՝ արյունով գնել ազատությունը և ցույց տալ քաղաքակրթված աշխարհին, որ հայաստանցին ըմբռնել է ազատության գաղափարը և ընդունակ է այդ գաղափարին զոհել իր ունեցածի ամենաքաղցրը, ամենազանիվը, իր սիրելի որդիների կյանքը»³: Այսօր՝ ավելի քան հարյուր տասը տարի անց, այդ կարգախոսը տակավին չի կորցրել իր նշանակությունը և հնչեղությունը:

«Ազատության ավետարներ» հայ ժողովրդին, առաջին հերթին երիտասարդությանը, մղում էր դեպի գլխավոր նպատակը՝ ազգային ու սոցիալական ազատության նվաճում: Նա երիտասարդությունից պահանջում էր՝ «մրտնել ժողովրդի մեջ, հայաստանցուն հասկացնել նրա իրավունքները, այդ վսեմ գաղափարը իրագործելու ժամանակը, օգնել նրան ամենայն կեռպով և անձնվիրաբար»⁴:

«Ազատության ավետարներ» շորորդ համարում հրապարակված հոդվածներում «Մի բացատրություն», «Սարսափահար միջոցների դերը մեր հեղափոխական գործունեության մեջ Տաճկահայաստանում» և այլն, պարզաբանված են հայ ազգային-ազատագրական շարժման առնչվող խնդիրները: Ուշադրության արժանի է թերթի հետևյալ բանաձևը՝ հայ իրականության մեջ վերջացավ ինքնաճանաչման շրջանը, սկսվել է իրական, գործնական հարցերի լուծման, թուրքական լծից ազատագրման համար մղվող պայքարի փուլը: Թերթը ճիշտ կերպով նկատել է, որ Հայաստանում տեղի ունեցող իրադարձությունները խոր կնիք են դնում հայ հասարակական-քաղաքական մտքի վրա, աշխատավոր զանգվածներին արթնացնում, նրանց մեջ բորբոքում հայրենասիրական տրամադրություններ:

Հիրավի հայ ժողովրդի կյանքում առաջացած նոր իրադրությունների ծնունդն էր «Հայրենասերների միությունը», որի թելերը ձգվում-հասնում էին Արևմտյան Հայաստան, Վան և այլ վայրեր: «Ազատության ավետարներ» հայ ժողովրդին հորդորում էր դասեր քաղել առաջավոր ազգերի փորձից, ազնվաբար ժառանգել ազատության վսեմ գործին, քանզի «Հայաստանը կանգ-

1 Տե՛ս ՀՀՊՊԿԱ, ֆ. 49/113 գ, գ. 552 (ընդգծումը մերն է—Խ. Բ.): Քանի որ «Ազատության ավետարներ» սակավաթիվ համարներ են պահպանվել, մենք ծավալուն քաղվածքներ ենք բերում «Դատական արխիվային գործից»:

2 Կոչի օրինակներից մեկը պահպանվում է Ռուսաստանի դաշնության կենտրոնական պետական պատմական արխիվի ոստիկանության դեպարտամենտի գործերում (տե՛ս ЦГИА РС, ДП 1883, д. 1721, № 114):

3 Տե՛ս Ազատության ավետարներ, 1884, № 4:

4 Տե՛ս ЦГИА РС, ДП 1883, д. 1721, № 1—4:

նաժ է. հեղափոխության շեմին, այդ հեղափոխությունից հետո մնալ մենք չենք կարող, որովհետև իրերի դրությունը նրան պատմական պահանջ է դարձրել: Մեղ մնում է միայն կազմակերպել նրան և տալ նպատակահարմար ուղղություն: Հարկավոր է հայ ժողովրդին արթնացնել դարավոր թմրությունից: Դա միայն լուսավորության միջոցով չէ, որ պետք է կատարվեր, այլ ազատագրական պայքարի պրոպագանդի, ժողովրդի միասնություն⁵:

«Ազատության ավետարեթ» շորորոդ համարում տպագրվել են Ռաֆայել Պատկանյանի «Ազգային երգում» և «Օրհաս» բանաստեղծությունները, որոնք Հայաստանի ազատագրության մարտակոչեր էին⁶:

«Ազատության ավետարեթ» թեև շուտ փակվեց, բայց բարի հետք թողեց հայ պայքարական մամուլի հարուստ պատմության տարեգրության մեջ: «Ազատության ավետարեթ» հրատարակությունը հաղթելուց որոշ ժամանակ անց Նվրոպայում սովորող մի խումբ հայ ուսանողներ հիմնադրեցին մի նոր կազմակերպություն, որը հետամտում էր Հայաստանում ապստամբական տրամադրությունների տարածմանը: Կազմակերպության ղեկավարը Արցախի աշխարհում հայտնի բարեհամբավ Աթաբեկյան տոհմից էր, Հովսեփ Աթաբեկյանցի հորեղբոր որդի Ալեքսանդր Աթաբեկյանը: Նա 1890-ական թվականներին, ուսումնառության ժամանակ, Գաբրիել Բահաթրյանի հետ ձեռք է բերում հայերեն տառեր և ստեղծում մի փոքրիկ տպարան: Գաղտնի: իպահության նկատառումներով տպարանի հրատարակությունների վրա նշվում էր «Փարիզ: Միջազգային տպարան»: Իրականում դրանք լույս էին տեսնում ժնևում և առաքվում Հայաստան: 1892-ին տետրակների ձևով հրատարակվեցին Սոֆիա Բարդինայի «Դատական ճառը», Պ. Կրոպոտկինի «Քաղաքական իրավունքները», «Պետությունների քայքայումը» և այլ գործեր: 1893-ին երևաց «Անիշխանական հրատարակություններ» մատենաշարի առաջին գրքույկը՝ «Գյուղացիների մեջ» խորագրով, որտեղ հարց ու պատասխանի ձևով պարզաբանություններ էին տրվում գյուղացիության դերի մասին: 1894-ի հունվարին լույս է տեսնում «Համայնք» թերթի առաջին համարը (Փարիզ): Նրա հավատարմ հանգանակը քաղաքական բացարձակ ինքնավարության, տնտեսական հավասարության և միջազգային համերաշխության հաստատումն էր: «Համայնքը» կազմված էր ութ փոքրագույն էջերից: Անդրանիկ համարը բացվում էր «Հեղափոխական պրոպագանդը և հեղափոխությունը» առաջնորդող հոդվածով: Նրանում միջազգային անարխիստական գաղափարախոսության հանրահայտ դրույթների ոգով քարոզում էին ժողովրդական ապստամբություններ: Իսկ դրանց հաջողությունների երաշխիքը համարվում էր մարդկանց կազմակերպվածությունը, գիտակցության ու աշխարհայացքի ձևավորումը, հայրենասիրության ու խիզախության դաստիարակությունը: «Համայնքի» «միակ նպատակը հեղափոխական պրոպագանդային՝ ծառայելն է»:

«Համայնքը» խորագրով խմբագրականում, թերթը հայ ժողովրդի երկու հատվածների՝ արևելահայերի ու արևմտահայերի ազատագրությունը տեսնում էր զինված ապստամբական շարժումների մեջ: «Կառավարության կոչումը», «Հայկական խնդիրը» (1894, № 2), «Հայ հեղափոխական շարժման հիմքը հայ գյուղացին է», «Հեղափոխական կազմակերպություն», «Ինչ է ազատությունը» (1894, № 3), «Անիշխանական գաղափարը և նրա զարգացումը» (1894, № 4), «Հայ ժողովրդի համայնական հակումները» (1894, № 5) և այլ հոդվածներում լուսաբանություն են ստացել հայկական ազատագրական շարժումների գաղափարախոսության հարցերը: «Բավական չէ միայն ցանել դադափարական սերմեր,—գրում էր թերթը № 5-ում,—ինչքան էլ այդ սերմերը լավ լինեն, աճելու և պտղավորելու համար

⁵ Ազատության ավետարեթ, 1884, № 4:

⁶ Բանաստեղծությունները անստորագիր են (տե՛ս Ռ. Պատկանյան, Երկեր, հ. 1, Երևան, 1963, էջ 176—179, 309, տե՛ս նաև Արմենիա, 1888, № 22):

հարկավոր է, որ նրանք նպաստավոր հող գտնեն: Իսկ այդ հողը հայ ժողովրդի հեղափոխական հակումներն են... Հողի համայնականացնելը միայն կարող է բավականություն տալ և ապահովեցնել հեղափոխական կրակի մեջ ընկած թշվառ հայ գյուղացուն: Հայ հեղափոխական շարժման հիմքը հայ գյուղացին է»:

Ազրարային հարցը «Համայնքի» առաջադիր ծրագրային նյութերից էր: «Բանվոր՝ վերցրու գործարանը, գյուղացի՝ տիրի չհղին» — այս էր թերթի նշանաբանը:

«Համայնքի» էջերում հողվածներ են տպագրվել 1848 թ. ֆրանսիական հեղափոխության, Իտալիայի ու այլ երկրների քաղաքական ընդլայնումների, Արևմտյան Հայաստանի ազատագրական շարժումների և այլ իրադարձությունների մասին:

«Համայնքը» և նրա խմբագիր Ա. Աթաբեկյանը սերտ կապեր ունեին «Մոսկվայի հայ ուսանողական ժողովի», ինչպես և Հայաստանի հեղափոխական կազմակերպությունների հետ:

1895-ին «Համայնք» թերթը դադարեց լույս տեսնելուց:

Ուշագրավ է «Աշխատանք» քաղաքական գրական երկնյա շաբաթաթերթը, որի առաջին համարը հայերեն և ռուսերեն լեզուներով լույս է տեսել 1879 թ. դեկտեմբերի 15-ին, Թիֆլիսում, Գրիգոր Տեր-Մելիքսեղեկյանի (Մելիքսեղյան) խմբագրությամբ: «Աշխատանքը» շարունակում է խորացնում է արևելահայ դեմոկրատական մամուլի ավանդույթները: Նրա առաջին համարը բացվում էր «Լո՛ւյս, լո՛ւյս... թող շատ լինի լո՛ւյսը» առաջնորդող հողվածով: Աստվածաշնչյան «Եղիցի լույս» և ապա Գյոթեի՝ մահից առաջ արտասանած «Լո՛ւյս, լո՛ւյս... թող շատ լինի լո՛ւյսը» խոսքերը ծրագրային նշանակություն ունեցան թերթի համար: Խմբագիր-հրատարակիչը՝ Գ. Տեր-Մելիքսեղեկյանը ժամանակի առաջավոր մտավորականներից էր, գյուղացիական գաղափարախոս, նարոդնիկական հովերով տարված դեմոկրատական աշխարհայացքի տեր գործիչ: Նա, ըստ էության, հայ դեմոկրատական հոսանքի առաջին ներկայացուցիչներից էր, նախաճառական ուղեգծի հետևորդ: Աշխատավորների իրավունքների պաշտպանությունը XIX դ. 80-ական թվականներին Գ. Տեր-Մելիքսեղեկյանի դեմոկրատական հայացքների դրսևորումներից էր: «Աշխատանքը» իր ծրագրային հողվածներում գրել է, որ «պաշտպանելու է աշխատավոր մարդու շահերը»: Իրականում այդպես էլ վարվում էր: «Մտնելով հասարակաց ասպարեզ, — գրում էր թերթը, — «Աշխատանքը» հայտնում է իրեն բարեկամ բոլոր մարդկության և այլված սրբուհի փափագում է կյանքի մեջ մի օր ավելի շուտ տեսնել մարմնացած արդար աշխատանքի սկզբունքը»⁷:

Թերթի առաջին համարում լույս են տեսել «Աշխատանք» լրագրի խմբագրության կողմից, «Դարձ դեպի նազարյանի հիշատակը» և այլ նյութեր: Խմբագրությունը ջերմորեն է արտահայտվել «Հյուսիսսփայլի», Ստեփանոս Նազարյանի և Միքայել Նախաճառյանի գործունեության մասին:

«Աշխատանքի» շատ հողվածներ նվիրված են Հայկական հարցին, Սան-Ստեֆանոյի դաշնագրին և այլ խնդիրներին: Քննադատված են արևմտյան դիվանագիտության խաղերն ու սուլթանական Թուրքիայի քաղաքականությունը: «Տասնիններորդ դարում ազգային հարաբերություններում հարկավոր է լինել անկիրք, — գրում էր թերթը, — դեն ձգել հիմար դիմակները, հեռանալ անհիմն

⁷ Պատմագիտության մեջ ժամանակին բանավեճ է մղվել Գ. Տեր-Մելիքսեղեկյանի և նրա խմբագրած «Աշխատանք» թերթի դեմոկրատական ուղղության շուրջ [տե՛ս Կ. Դանիելյան, Գրիգոր Տեր-Մելիքսեղեկյանի հրապարակախոսական ժառանգության շուրջը (Պատմա-բանասիրական հանդես, 1980, № 3), Վարդան Ավետիսյան, Փաստերը հերքում են (Լենինյան ուղիով, 1974, № 9), Հրայր Թամարյան, Գրիգոր Տեր-Մելիքսեղեկյանի տնտեսագիտական հայացքների հարցի շուրջը (Լրաբեր հասարակական գիտությունների, 1981, № 8)]:

⁸ Աշխատանք, 15. XII. 1879:

մարգարեություններից, և դրա փոխարեն աշխատել հիմնավոր կերպով կշռել ազգերի փաստերը և ուրիշ քաղաքագիտական լծորդությունները⁹:

Մերկացնելով Թուրքիայի կառավարող շրջանների՝ այլազգիների նկատմամբ վարած բռնություն և հալածանքների բիրտ քաղաքականությունը, թերթը դրում էր. «Թուրքիան բոլորովին չհասկացավ պատմական փաստերի միտքը և ժառանգի ոգին: Նա փոխանակ հպատակ ժողովրդի բնական հարստությունն ավերակցեց, ոկուեց խեղճ ժողովրդի էլած չէլածն էլ կողոպտել և թալանել»¹⁰:

Նրկրամասի մշակութային կյանքը պատկերող նյութերում, թատերագիտական հոդվածներում և լրատվություններում «Աշխատանքը» շոշափել է թարգմանական և ինքնուրույն դրամատուրգիայի, թատրոնի խաղացանկի հարցերը, արժեքավորել տաղանդաշատ դերասաններ Ադամյանի, Զմշկյանի և այլոց դերակատարումներն ու արվեստը, առաջադրել ժողովրդին մատչելի, յուսավորող և արդիական խաղացանկերի պահանջը:

Գ. Տեր-Մելիքսեղեկյանը, ծնված լինելով Շուշիում, լավ գիտեր իր ծննդավայրի և առհասարակ Բորչալուի գավառի գյուղացիության սոցիալ-տնտեսական ու կրթական կյանքը: Նա ընդհարվել էր գյուղական մեծահարուստների և հետագայում մտավորականության հետ: Ժողովրդական ուսուցչի նրա համբավը տարածվել էր ոչ միայն Նիգավիտպոլի նահանգում, որտեղ նա աշխատել էր 1870—1876 թթ., այնուհետև՝ հայրենի գյուղում, որտեղ իր դպրոցն էր բացել և աղքատների երեխաներին կրթել, այլև լուսավարական խումբի անկյունքներում: Վաստակածի մեծ մասը նա բաժանում էր գյուղացիներին, չնչին միջոցներով թերթ հրատարակում, լուսավորություն տարածում «խավարի թագավորությունում»: Նա քննադատում էր դպրոցական տեր-թոգիկյան բարքերը, տիրացուականությունը և ասիական խավարամտությունը: «Աշխատանքի» 1880 թ. հունվարյան համարում հրապարակված «Շուշիում», «Ներքին լուրեր», «Նամակ Թիֆլիսից» և այլ թղթակցությունները խոսում փաստեր են պարունակում այն ժամանակվա հայկական գավառական իրականության կրթական գործի, գյուղացիության սոցիալ-տնտեսական դրության մասին: Գ. Տեր-Մելիքսեղեկյանն իր ատենախոսություններում, գրքույկներում, գյուղական կյանքն արտացոլող պատումներում և հատկապես «Աշխատանքում» հրատարակած հոդվածներում պարսավում էր դպրոցներում արմատավորված հակամանկավարժական արատավոր մեթոդները, ձաղկում հոգևորականության տգեղ և ասամուլ ներկայացուցիչներին:

«Աշխատանքի» հրատարակությունը զուգահեռապես երկրամասում կապիտալիստական հարաբերությունների զարգացմանը: Գյուղում սկսվել էր դասակարգային շերտավորման գործընթացը, մուտք էր գործում վարձու աշխատանքը: Գյուղը քայքայվում էր, հողագործ գյուղացիությունը թողնում էր հայրենի գյուղը և բռնում քաղաքի ճանապարհը: Արդյունաբերական պրոլետարիատի ձևավորման սոցիալական իրավիճակը աղքատը գյուղացիական հողագործի զանգվածն էր, որը աշխատանք էր որոնում արդյունաբերական կենտրոններում:

«Աշխատանքը» ագրարային հարցում աղերսներ ուներ Միքայել Նալբանդյանի գյուղացիական սոցիալիզմի գաղափարների հետ: Ոչ ոչ հոգևածներում կան ձևակերպումներ, որոնք հիշեցնում են Մ. Նալբանդյանի «Երկրագործությունը որպես ուղիղ ճանապարհ» և «Երկու տողի» տեսակետներն ու ոճը: Կարելի է ցույց տալ նույնիսկ բառացի համանմանություններ: Դա արտահայտություն է գտել «Աշխատանքի» խմբագրի նաև այլ գործերում, որը և հիմք է տալիս եղրակացնելու, որ նա արևելահայ ազգային դեմոկրատական հոսանքի ներկայացուցիչ է, չքավոր գյուղացիության գաղափարախոս: «Նվեր քյասիբ գյուղացիներին» աշխատությունում և այլ գործերում Գ. Տեր-

⁹ Նույն տեղում, 8. I. 1880:

¹⁰ Նույն տեղում:

Մելիքսեդեկյանը, ընդօրինակելով Մ. Նալբանդյանին, գրել է. «Մենք քարոզեցինք, որ քյասիր գեղացին մեղք է. պետք է ցավենք նրա վրա ու չպետք է ծծենք սրա արյունը, ամա պետք է մեր կարողության չափ օգնենք նրան, դարման լինենք նրա ցավերին: Ու էդ ոչ թե մենակ խոսքով ասացինք. ամա աշխատեցինք, ինչքան կարելի էր գործով էլ նշանց տալ»¹¹: Ակնհայտ է այս հատվածի նմանությունը «Երկու տողի» համապատասխան ձևակերպմանը.

«Աշխատանքը», թեև ոչ հետևողականորեն, այսուհանդերձ, անդրադարձել է նաև բանվորական հարցին: Թերթի 1880 թ. փետրվարի 25-ի համարում տպագրված «Մշակների հարցի առիթով» հոդվածում ցույց են տրված երկու ձևավորված դասակարգերի՝ կապիտալիստների և բանվորների փոխհարաբերությունները, բանվորական միությունների ստեղծման անհրաժեշտությունը: Մի այլ հոդվածում թերթը նշել է. «Մշակների հարցը զարթնեցնելիս «Աշխատանքը» զգուշացրել է, որ նրանց թուլությունը ցրվածության մեջ է, հարկավոր է համախմբվել, միավորվել և միասնական ուժ դառնալ»¹²:

Գ. Տեր-Սելիքսեդեկյանը ջանում էր մամուլը «ժողովրդական կարիքներին ու պահանջներին ծառայեցնել»՝ իրականացնելով իր իսկ ընտրած ծրագիրը: Թերթը դժգոհ էր Ս. Գուլամիրյանի, ինչպես և Ս. Էնֆիաճյանցի՝ 1880 թ. հրատարակած օրացույցների բովանդակությունից. «Մի ազգի օրացույցը, ինչպես առօրյա հասարակաց գործածական ձևերով, հարկավոր է, որ դյուրին ու հեշտամարս լեզվով ըմբռնի այդ ազգի ներկա կյանքի բոլոր գլխավոր երևույթները կրթող կերպով: Այսպես, ուրեմն, հայ օրացույցը, ուրիշ բաների թվում, մեզ պիտի տա բավականացուցիչ տեղեկություններ...»¹³:

Լրագրի դերին և նշանակությանն է նվիրված «Աշխատանքի» 1880 թ. մարտի 10-ի «Մամուլի գործունյա անգործությունները» խորագրով առաջնորդող հոդվածը, որտեղ քննադատվում են լրագրական արատավոր բարբորը, անտարբերությունը ժողովրդի ցավերի նկատմամբ: Հրապարակախոսական աշխույժ ոճով և կրթողությամբ տոգորված հոդվածները հնչում են թարմությամբ: Հաղթահարելով գրաքննության հարույրած դժվարությունները, «Աշխատանքը» ջանում էր բացել վարագույրը, աշխատավորությանը հասցնել ճշմարտությունը, Այս հարցերում նա բանավիճում էր «Մշակ», «Մեղու Հայաստանի» և այլ պարբերականների հետ:

«Աշխատանքի» 1882 թ. առաջին համարի՝ «Թիֆլիս, 6 մայիսի» վերտառությամբ առաջնորդող հոդվածում տրված է Կովկասի քաղաքական կյանքի համառոտ տեսությունը, խոսվում է Ա. Դոնդուկով-Կորսակովի Կովկասի գլխավոր կառավարչապետ նշանակելու, նրա վարելիք հնարավոր քաղաքականության և քաղաքական բնույթի այլևայլ հարցերի մասին: Թերթը քննադատել է Կովկասի փոխարքա իշխան Վորոնցովին՝ հայերի նկատմամբ անբարեհաճ քաղաքականության համար:

Այսպիսին էր հայ դեմոկրատական «Աշխատանք» թերթը:

Դարավերջին հայ իրականության մեջ ուժեղանում են քաղաքական խմորումները, ծավալվում են ազգային-ազատագրական շարժումներ: Ստեղծվում են քաղաքական տարբեր կազմակերպություններ, բանվորական, արհեստավորական և աշակերտական խմբակներ, կանանց միություններ, փոխօգնության գանձարկղեր: 1891 թ. Թիֆլիսում գործող հայ աշակերտական խմբակներից մեկի շուրջը համախմբվում են առանձին բանվորներ, արհեստավորներ, մտավորականներ, որոնք մեկ տարի անց, 1892 թ. վերջերին հիմնում են «Հայ բանվոր հեղափոխականների ասոցիացիան» (ՀԲՀԱ), որը գործեց մինչև 1895 թ.: Նորաստեղծ «Ասոցիացիայի» միությունը շարքերը

11 Գ. Տեր-Մելիքսեդեկյան, նվեր քյասիր գյուղացիներին, Թիֆլիս, 1879, էջ 17, հմտ. Մ. Նալբանդյան, Երկերի լիակատար ժողովածու, հ. 3, Երևան, 1940, էջ 30:

12 Աշխատանք, 1881, № 7:

13 Աշխատանք, 1880, № 4:

մտան Ա. Խումարյանը, Ս. Խանդանյանը, Ս. Տեր-Սիմոնյանը, Ա. Խաթակյանը, Պ. Մնացականյանը (Պիեթ), Հ. Միրզոյանը, Հ. Մուրադյանը, Ս. Մարտիրոսյանը, Գ. Մադաթյանը, Տ. Պարոնիկյանը, Ա. Մեհրաբյանը, Հ. Ալվազյանը և ուրիշներ։ Մանոթանալով Ռուսաստանի նարոդնիկական խմբակների, ինչպես ե Գ. Պիեթանովի «Աշխատանքի ազատագրություն» խմբակի հրատարակություններին ու սոցիալիստական բովանդակությամբ այլ գրքերի, նրանք հիմնադրեցին իրենց ընդհատակյա ապարանը և տպագիր թերթը։ Ընտրեցին նաև խմբագրական կոլեգիա. անդամներ՝ Աշոտ Խումարյան, Սարգիս Խանդանյան, Սիսակ Տեր-Սիմոնյան, Արշալույս Խաթակյան, Պետրոս Մնացականյան։ Թերթը, որը սկզբում կոչվում էր «Ազատ Հայաստան», իսկ հետո վերանվանվեց «Կուրի», հրատարակվել է Թիֆլիսում (տիտղոսաթերթին դրվել է Բրյուսել)։ «Ազատ Հայաստանի» առաջին համարը լույս տեսավ 1893 թ. հունիսի 23-ին։ Փակվել է 1894-ին։ «Ասոցիացիայի» անդամներից Սերգո Մարտիրոսյանը իր փոքրածիվ համախոհների հետ որոշել էր պարբերականը հրատարակել «Ձայն» անունով, բայց հետո նրանք հետ կանգնեցին այդ մտքից և թերթը լույս ահեսավ «Ազատ Հայաստան» վերտառությամբ¹⁴։ Ինչ խոսք, ամեն մի թերթի անվանակոչություն մեծ խորհուրդ ունի, քանզի այն ամենից առաջ արտահայտում է նրա հրատարակիչների և քաղաքական խմբավորման հավատամբը։ Արխիվային նյութերից, Աշոտ Խումարյանի ինքնակենսագրական թերթիկներից և «Ասոցիացիայի» գործով նրա անդամների հարցաքննությունների վավերագրերից երևում է, որ հրատարակվել է «Ազատ Հայաստանի» ինը և «Կուրի» երկու կամ երեք համար։ Թերթի «Ազատ Հայաստան» անվանումը պատահական չէր։ Նրանք քարոզչական գործունեություն էին ծավալել աղատ, անկախ ու միացյալ Հայաստանի պետականության վերականգնման ուղղությամբ։ «Ազատ Հայաստանը» որ հրատարակվում էր 200—300 օրինակով, իսկ առանձին համարներ մինչև 1000 օրինակ տպաքանակով, տարածվում էին Կովկասում, Պարսկաստանում, Արևմտյան Հայաստանում և սփյուռքի հայկական համայնությունում։ Ուշագրավ են Ա. Խաթակյանի «Հայաստանի ներկա դրությունը և հայ բանվորները» (1893, № 1), Ա. Խումարյանի և Ա. Խաթակյանի «Ի՞նչ բան է բանվորը» (№ 2), նույն հեղինակների «Արդու Համիդ 2-րդ» (№ 3), «Նամակ Կովկասից» «Բանվորական մարշ», «Մեր համոզմունքը» (№ 5), «Մեր համոզմունքը և ծրագիրը» (№ 6—7), «Հեղափոխական պատվիրան» (№ 9) և այլ հոդվածները ու թղթակցությունները։ Թերթի գլխավոր ուղղվածությունը ոչ թե դասակարգային պայքարի պահանջն էր, այլ «հայկական հեղափոխության միջոցով Հայոցների (Հայաստանի) ազատագրման» ձգտումը։ Հիրավի, այդ նպատակին հասնելու քաղաքական և այլ միջոցների ընտրության գործում զգալիվում է հայ ազգային կուսակցությունների, ամենից առաջ ս.-դ. հնչակյան կուսակցության, գաղափարախոսական ազդեցության դրոշմը։ Ինչպես «Ասոցիացիայի» ծրագրային վավերագրերում. այնպես էլ թերթի հրապարակումներում, աներկբա նկատվում է «նարոնայա Վոլյա» կազմակերպության ծրագրի ազդեցությունը։ Ավելին, նույնիսկ առանձին հիմնադրություններ գրեթե նույնությամբ թարգմանաբար քաղված են այդ ծրագրից՝ համարեցվելով տեղական պայմաններին և իրականությանը։ «Ասոցիացիայի» ծրագրի նախագծի առաջին՝ «Մեր պահանջները» բաժնում դրված է. «1. Բոլոր հասարակական գործերում համաժողովրդական քվեարկություն։ 2. Բոլոր գործարանները հանձնել բանվորներին։ 3. Հողը դարձնել հանրային սեփականություն։ 4. Որ չլինի օրենք ազգային խտրականության մասին։ 5. Խոսքի, մամուլի,

¹⁴ «Ասոցիացիայի», «Ազատ Հայաստանի» և «Կուրի» վերաբերյալ արխիվային նյութերը գտնվում են Մոսկվայի կենտրոնական կուսակցական արխիվում (ֆ. 64, ց. 1, պ. մ. 169, ֆ. 124, ց. 1, գ. 2041, 2056), Վրաստանի պետարխիվում (ֆ. 7, գ. 83, ֆ. 39, գ. 439), Մոսկվայի կենտրոնական պատմական արխիվում (ֆ. 102, ց. 137, 1895 թ., գ. 245, մ. 1, թ. 182—290) և այլուր։

խղճի, ասոցիացիաների, ագիտացիայի և այլնի լիակատար ազատություն: 6. Բոլոր միջոցներով ձեռք առնել ժողովրդի քաղաքակրթության համար և պարտադիր դարձնել բոլոր երեխաների տարրական կրթությունը: 7. Մարզերի լայն անկախություն, որն ապահովվի ընդհանուր ձայնատվությամբ ընտրված կառավարությամբ և նրա դաշնակցային կապերով՝ ուրիշ մարզերի հետ: 8. Ընդմիջտ ոչնչացնել պարտադիր զինվորական ծառայությունը, նրա փոխարեն ունենալ ազգային միլիցիա տվյալ վայրի պահանջներին համապատասխան»¹⁵:

Այնուհետև դրանց հաջորդում են ինքնուրույն, Հայաստանին նվիրված քաղաքական պահանջները, այն է՝ ապագա ազատ Հայաստանում ստեղծել ժողովրդավարական, հանրապետություն, Օրենսդիր (Ազգային) ժողով, բոլոր գործարանները հանձնել բանվորներին, հողը դարձնել հանրային սեփականություն, հասնել քաղաքական ազատությունների ապահովման: Ինչպես «ՀԲՀԱ»-ն, այնպես էլ նրա տպագիր թերթը, սոցոկոված էին ժողովրդավարական հասարակարգի կառուցման, ազգային ազատագրության և ազատ Հայաստանի ստեղծման հայկական գաղափարախոսությամբ: Ի տարբերություն ս.-դ. հնչական կուսակցության, նրանց ծրագրում էլ «սոցիալիզմը մտնում էր ունիոս և վոնդվում պատուհանից»: Տասնամյակների հեռավորությունից այժմ ավելի հեշտ է արժեքավորել «հայ ժողովրդի անագոռույն կյանքը երջանիկ դարձնելու համար» մարտնչած հայ երիտասարդների ողորդունեությունը, ավելի հստակ աատենոացնել «Ասոցիացիայի» քայլերգի «Կեցցեք Հայաստանը» առինքնող եռու իմաստը:

Ինչ վերաբերում է Արևմտյան Հայաստանին, «Ասոցիացիան» և «Ազատ Հայաստանը» իրենց առաջնադիր խնդիրն էին համարում «ազատել հայ ժողովրդին ապստամբության միջոցով սուլթանական անարգ բռնակալ լծից, կատարել քաղաքական հեղափոխություն և անպայման իշխանությունը հանձնել ժողովրդին»¹⁶: «Ասոցիացիայի» անդամները ոգեշնչված էին Արևմտյան Հայաստանում հաղթական շարժման համառձակ ողորդություններով, հրնչակականների կազմակերպած Գումջարուի ցույցով: Ա. Խաժևկյանը այդ ցույցը որակել է որպես «Հայկական ոսկե դարի սկիզբ»:

Տարածայնությունները, ի վերջո, պառակտեցին միությունը: «Ասոցիացիայի» անդամներն մի մասը՝ Սեսակ Տեր-Սիմոնյանը, Սարգիս Խանույանը և այլք ուղարկվում են ընդհատակյա տպարանը, «Ազատ Հայաստան» թերթը և հարում ՀԲ հայակցություն և ուսակցությանը: Իսկ մյուս մասը, որ կրում էր հնչականների ազդեցությունը, Աշոտ Խումարյանի ղեկավարությամբ շարունակում է աահայանել «Ասոցիացիայի» բանվորական ուղղությունը՝ առգային գործունեությանը զուգահեռ: Վերջիններս 1894 թ. դեկտեմբերի 1-ին հրատարակում են միության նոր թերթը՝ «Կոիվ» անունով, որը երկու համար լույս տեսնելուց հետո, փակվում է: Երկրորդ համարը երկարատև ընդմիջումից հետո տարբերվեց 1895 թ. աշնանը: «Կոիվ» առաջին համարի նույնիսկ նվիրված են Սառունի 1894 թ. ատոսամբությունը: «Կոիվ» անդամների համարի բուրժուարներ՝ «Ազատության արշալույսին» հոգվածը ավարտվում է «Կեցոեք հայկական հեղափոխությունը... Կեցոեք Սասուն» մարտակոչերով: «Կոիվ» երկրորդ համարում լույս են տեսել «Կախաղանի տակ հեղափոխական պատգամ», «Կոչ» Պետրոպավլովյան բերդից» նյութերը: Անկախ պառակտումից, «Ասոցիացիան» և նրա թերթերը գտնվում էին հայկական գաղափարախոսության, հայկական հեղափոխության հեռանկարի տիրական հմայքի տակ: Իսկ դա չվերափոխ ցարական ինքնակալության և նրա տեղական

15 Ա. Խումարյանի վկայությամբ «Ասոցիացիայի» ծրագիրը հարադատ էր «նարողնայա վոլայի» բանվորական խմբի ծրագրին» (տե՛ս Центральный партакхив (М.), ф. 124. оп. 1՝ д. 2056, Մարտակոչ (Թիֆլիս), 1924, № 13:

16 Ազատ Հայաստան, 1894, № 6—7:

գործակալների՝ ուստիկանություն տեսադաշտից: Ուժեղացվում են հսկողությունն ու հարձակումները «Ասոցիացիայի» և թերթի նկատմամբ:

Ֆարիզմը շախչախեց «Հայ բանվոր հեղափոխականների ասոցիացիան», փակեց նրա տպագիր օրգանը: Մական «Ասոցիացիան» և նրա «Ազատ Հայաստան» ու «Կոիվ» թերթերը մի նոր ակոս բացեցին հայ պարբերական մամուլի անդաստանում՝ բարի հետք թողնելով հայ ժողովրդի ազատագրական պայքարի և ընդվզումների տարեգրության մեջ:

АРМЯНСКАЯ ОБЩЕСТВЕННО-ПОЛИТИЧЕСКАЯ ПЕЧАТЬ КОНЦА XIX В.

Х. А. БАРСЕГЯН

Резюме

В конце XIX в. в России и за рубежом издавался ряд армянских газет, которые находились под влиянием идей русского революционно-го и либерального народничества. Такими изданиями были: «Азатутян аветабер» («Предвестник свободы», 1894, Москва), «Амайик» («Община», 1894, Париж), «Ашхатанк» («Труд», Тифлис, 1879).

Орган Ассоциации армянских рабочих—революционеров «Азат Айастан» («Свободная Армения», 1893—1894, Тифлис) наряду с социальными вопросами рассматривала вопросы освобождения западного армянства.

Указанные периодические издания представляют интерес в аспекте взаимосвязи передовых русских идей и армянского социального и освободительного движения.